



ՌՈՒՔԵՆ ԵՊԻՍԿՈՊՈՍ ԴՐԱՄԲԱՆ

ՄԵՍՐՈՊ ՄԱՀՏՈՅԻ ԱՆՄԱՀԱԿԱՆ ԳԳՈՒՑԸ

412 թվականը հայ ժողովրդի պետական-հասարակական կյանքում՝ նոր դարաշրջանի սկիզբ հանդիսացավ: Այդ նոր դարաշրջանն սկսվեց հայոց գրերի անմահական գյուտով: Քրիստոնեությունը փրկչական թվականի առաջին տարիներից մուտք էր գործել Արեւիկը և գաղտնի քարոզվում էր նաև Հայաստանում: Մինչև քրիստոնեության պաշտոնական կրոն դառնալը, այն է մինչև 301 թվականը, Հայաստանի հողը ներկվել էր հավատացյալ քարոզիչների արյունով:

Պալքարը քրիստոնեության և հեթանոսության միջև իր մոլեգնությունը հասավ Տրդատ թագավորի օրով, երբ քրիստոնեությունը պաշտոնապես ճանաչվեց և հայտարարվեց պետական կրոն:

Տրդատն իր ընտանիքով ու պալատականներով ընդունելով քրիստոնեությունը՝ հրամայեց անմիջապես քանդել հեթանոսական մեհյանները և նրանց փոխարեն եկեղեցիներ կառուցել: Ս. Գրիգոր Լուսավորիչն ինքն անձամբ ղեկավարում էր այդ գործը: Հեթանոսական կրոնի ներկայացուցիչները՝ քրմերը, սրոնք Հայաստանում աղնվական խոշոր դաս էին կազմում և ունեին իրենց հատուկ զորամասերը, համառ կերպով դիմադրեցին քրիստոնեությանը: Այսպես օրինակ, երբ ս. Գրիգոր Լուսավորիչը փորձեց Տարոնում գտնվող մեհյանները քանդել, քրմերը դիմադրեցին և նա առաջին պահ հարկադրված փղավ տեղի տալ և միայն երկրորդ արշավանքի ժամանակ կարողացավ նրանց ցրել և մեհյանները կործանել, սակայն հետագայում, ինչպես հաղորդում է պատմագիրը, նոր իշխանությունը հարկադրվեց քրմերին ու նրանց զավակներին աղաման ոռոգից կարգել և նրանց ընդգրկել նորաբաց քրիստոնեական դպրոցներում: Այս արդեն որոշ գիշում էր ընդդիմադրությունը կանխելու կամ շեղբացնելու նկատառումներով:

Լուսավորչի բացած դպրոցները, որոնք

պիտի ուսուցանեին քրիստոնեություն, սպասված արդյունքները չտվին, որովհետև ուսուցումն այնտեղ կատարվում էր հույն և ասորի լեզուներով, իսկ այդ լեզուները անմատչելի էին հայ ժողովրդին:

Հեթանոսական կրոնը երկար դարերի ընթացքում հայ ժողովրդի համար հանդիսացել էր ազգային պետական կրոն, ստեղծելով ավանդություններ, տոներ և նրանց հետ կապված զանազան արարողություններ: Հեթանոսությունը սերտորեն կապված լինելով աշխարհիկ կյանքի հետ, ժողովրդին մղում էր դեպի զգայական հաճույք՝ կեր ու խոտ, խախճանքներ, զեղի կյանք, թատրոն և այլ զվարճություններ: Հեթանոսական այս կենսության ճանաչումը հակադրվում էր քրիստոնեական, աշխարհամերժ կյանքը՝ իր ժուժկալությամբ, չափավորությամբ, ծոմապահությամբ, անապատների ու վանքերի ձգնաժողովական տքնությամբ:

Քրիստոնեությունը ուսուցանելու և տարածելու համար պահանջվում էր հայ լեզվով գրականություն, որը չկար: Այդ բացը զգացվում էր ամենուրեք և առավելագույն չափով արգելակում նոր ուսման արմատավորմանը ժողովրդական լայն զանգվածների մեջ:

Քրիստոնեության վերաբերմամբ լուրջ տարածայնություններ կային նաև վեպնախաքի՝ երկիրն ու եկեղեցին ղեկավարողների միջև: Այս տարածայնությունները հաճախ հասցնում էին սպանության: Այսպես, Վրթանեսի որդի Հուսիկը հայոց Տիրան թագավորին՝ ստվաթե վարքի պատճառով թույլ չէր տալիս եկեղեցի մտնել. եկեղեցու դռները փակ էին երկրի թագավորի առաջ: Վրթանեսի այդ վարմունքը այն աստիճան վրդովեցրեց թագավորին, որ Տիրանը Հուսիկին բրածեծ անելով սպանել տվեց:

Ահաբաժնու միասնությունը կաթողիկոսների, թագավորների ու նախարարությունների միջև բացակայում էր:

Նախարարությունները լինելով ինքնուրույն,

իրենց ներքին կյանքով ներկայացնում էին փոքրիկ թագավորություններ. նրանք շատ հաճախ չէին ենթարկվում կենտրոնական իշխանության: Հայոց պատմության մեջ քիչ չեն դեպքերը, երբ նրանք դավաճանորեն նետվում էին հայ ժողովրդի արտաքին թըշնամիների գիրկը, կույր գործիք դառնում նրանց ձեռքին հարազատ ժողովրդի հանդեպ: Հայաստանի արտաքին թշնամիները նախաբանների այս թուղ կողմը օգտագործելու նպատակով հովանավորում էին նրանց և խրախուսում նրանց կենտրոնախույս ձրգտումները. դրանով նախապես էր ղեկավարման միասնությունը, որ ալեխաբեր հետևանքներ էր ունենում Հայաստանի համար:

Միաժամանակ Հայաստանը դարձել էր կռվախնձոր երկու մրցակից պետությունների՝ Բյուզանդիայի և Պարսկաստանի միջև:

Արդեն գրեթե գյուտի նախօրեին մրցակիցները փոխադարձ չեզու էին գտել, և Հայաստանը բաժանվել էր հուլների ու պարսիկների միջև:

Այսպես էին Հայաստանի ներքին ու արտաքին պայմանները, երբ հանդես եկավ Մեսրոպ Մաշտոցը:

Հայաստանի քաղաքական ու կուլտուրական կյանքի ղեկավարությունը այդ օրերին դառնում էր իր ժամանակի 3 խոշոր հայ գործիչների՝ Վռամշապուհի, ս. Սահակ կաթողիկոսի և Մեսրոպ Մաշտոցի ձեռքում:

Մեսրոպը ժամանակի գիտնական ու ամենահեղինակավոր անձնավորությունն էր: Նա տնտրական մարդ չէր և ոչ իսկ հասարակ մտածող: Նա շերմ հայրենասեր էր և ամբողջովին նվիրված իր ժողովրդին: Լինելով Վռամշապուհի թագավորի քարտուղարը և դիվանատան պետը, նա ծանոթ էր ինչպես ներքին կյանքը կազմալուծող պատճառներին, նույնպես և արտաքին թշնամիների դավերին:

Նա քաջ գիտակցում էր, որ հայ ժողովրդի փրկության նախապայմանը նրա ազգային միասնությունն է, իսկ այդ միասնությունը կարող էր ստեղծվել միայն հայ գրի ու գրականության միջոցով:

Նա գիտեր, որ անհրաժեշտ էր վերակառուցել հայ դպրոցը, այն դարձնել հայրենասիրության օջախ և հայրենասիրության ամպշանում մկրտել նոր սերունդը:

Նա գիտեր նաև, որ գրեթե գյուտով միայն հնարավոր էր արմատավորել քրիստոնեական կրոնը ժողովրդի մեջ և այս եղանակով իսպառ վերացնել հեթանոսությունը Հայաստանում: Ու իր այս միտքը նա հայտնեց

ս. Սահակին: Ս. Սահակը խորհրդակցություն հրավիրեց:

Գրեթե գյուտին նվիրված առաջին խորհրդակցության նիստը տեղի ունեցավ արքունիքում:

Ս. Մեսրոպը հավատով ու ջերմեռանդությամբ պատմում է իր միտքը, մեկնաբանում իր ծրագիրը, կանխադաշակում գալիքները և փրկության միջոց համարում միայն հայկական գրերը:

Ս. Սահակ կաթողիկոսը և Վռամշապուհը հափշտակված լսում են նրան, հավանություն տալիս նրա ծրագրին ու դիմում գործի:

Սակայն, ինչպես հայտնի է, նախնական փորձերը արդյունք չտվին:

Եվ ահա Մեսրոպը վերցնում է պանդխտության ցուպը և մեկնում Արևելք, գիտական կաճառների դռները բախելու:

Թե ի՞նչպիսի նշանակություն էր տալիս Մեսրոպ Մաշտոցը գրերի գյուտին, երևում է նրա՝ Վռամշապուհին ուղղած հետևյալ նախադասությունից. «Շատ ատելի առաքյալս բերէ քեզ շահ, յիշատակ անմոռաց և օգուտ երկնատր վայելից, քան զիշխանութիւն թագաւորութեանդ քո» (Փարպեցի):

Գրերի գյուտի անհրաժեշտության գիտակցության ու անհողորդ լճակալանության առնթեր կար նաև համեստ գիտնականին ողորդող հայրենասիրությունը. «Տրտմութիւն է ինձ և անպակաս ցաւքն սրտի իմոյ, վասն եղբարց իմոց և ազգականաց» ասում է Մեսրոպ Մաշտոցը:

Ս. Սահակ կաթողիկոսը և Վռամշապուհը թաղավորը, որոնք, ոչ նվազ չափով քան Մեսրոպը, հետամուտ էին գրերի գյուտի աշխատանքներին, արդեն մի քանի բազմամարդ ժողովներ էին գումարել Վաղարշապատում՝ դժվարին խնդիրը լուծելու նպատակով: Այս ժողովներին մասնակցում էին երկրի անվանի մարդիկ, իշխաններ ու նախարարներ, անվանի քահանաներ ու ծախիկոպոսներ. «Ժողովեալ էին զամենայն եպիսկոպոսոնս» (Մ. Խորենացի):

Այսպիսով գրերի գյուտի համար գործադրվող ջանքերը համազգային բնույթ էին կրում:

Մեծ գործի էր լծված նաև հայոց կաթողիկոսը՝ Սահակ Պարթևը: Նա գիշեր ու ցերեկ ուսումնասիրում էր Ս. գիրքը, նախապատրաստում նրա մոտակա հայերեն թարգմանությունը և գործնական ու եռանդուն աշակցություն ցույց տալիս Մաշտոցին իր առօրյա աշխատանքներում:

Այս սրբազան գործով էր համակված նաև

Վուսմշապուհ թագավորը: Ինչպես հայտնի է, նա Վահրիճ իշխանին ուղարկեց Միջագետք՝ Դանիել ասորացու մոտ գտնվող նշանագրերը բերելու համար: Ահա պատմագրի հակիրճ խոսքը այդ մասին. «Վասն որոյ յաշխարհէս մերոյ առաքեաց հրեշտակովքնամբ զայր մի պատուական և հաւատարիմ փւր, Խաղտնի ազգաւ, Վահրիճ անուն, յոյժ փափագեալ նորին գործոյ» (Մ. Խորենացի):

Այդ փաստերը վկայում են, որ հայոց արքունիքը ևս նախանձախնդիր էր գրերը գրտնելու գործին:

Մեսրոպը Արեւելքից ձեռնոճայն դարձավ: Բայց նա չհուսահատվեց:

— Այնուամենայնիվ տառերը պիտի գտնել, — մրմնջում էր Մեսրոպը և ապավինում իր հանճարին ու Աստծուն:

Երկուշաբթիվամբ տւ հասկատու նա փարվում է Տիրոջ Խորանին, ու հոգեկան վերապայտման սրբազան ժամին նրա առաջ պատկերվում են գրերը, ինչպես գրում է պատմաբանը՝ «Երևութացեալ հոգւոյն աշաց թաթ ձեռնին աշոյ՝ գրելով ի վերայ Վիսին»:

Տառերը գտնված էին: Հայ ժողովրդի վերածնության և կուլտուրայի հիմնաքարը դրված էր:

Վաղարշապատը ցնծության մեջ էր: Մայրաքաղաքը զարդարված էր արքայական դրոշակներով. ժողովուրդը ծաղկեփնջերով խմբվել էր ճանապարհներին: Փողերի, թրմբուկների և տավրեղների հնչյունները, խմբական երգերը թնդացնում էին հինավուրց մայրաքաղաքը:

Վուսմշապուհ թագավորը իր պալատականներով ու զորքով, ս. Սահակ Կաթողիկոսը եպիսկոպոսներով ու վարդապետներով, խաչով ու խաչվառով դուրս էին եկել Մեսրոպին դիմավորելու, նրա անմահական գլուխը ընդունելու:

Նվաճա երևում է մեծ իմաստասեր, մեծագործ հայրենասերը:

Ցնծալից երգերի, աղմկալից կեցցենների տակ անցնում է հայ մտքի վեհափառ արժան, մեր ոսկեդարյան գրականության անկոնջ մշակ ս. Մեսրոպ Մաշտոցը:

Նա, որ ստեղծեց հայ ժողովրդի ազգային միասնությունը, հայրենասիրությամբ զինեց նրա հավաքական կամքը:

Նա, որ փրկեց մեր լեզուն և մեր կուլտուրան կորստից ու մոռացումից և բաց արեց նրանց առջև զարգացման նոր հորիզոններ:

Նա, որ կերտեց հայ Մատենագրության Ոսկեդարը, ստեղծելով ինքնուրույն թարգմանական գրականության հոյակապ բուրգեր:

Նա, որ ամրապնդեց քրիստոնեությունը, զինելով նրան եկեղեցական գրականությամբ և ազատեց ժողովրդին հեթանոսական խաչարից:

Նա, որ ազգայնացնելով հայ դպրոցը և ստեղծելով դպրոցական ազգային կադրեր, առաջ մղեց ժողովրդական կրթությունը:

Նա, որ հայ ժողովրդին հաղորդակից դարձրեց ժամանակի քաղաքակրթությանը ու առաջադեմ գաղափարներին և Հայաստանի հասարակական կյանքի զարգացումը դրեց նոր, լուսավոր ուղու վրա:

Հայ գիրը հնետազա դարերում հանդիսացավ հայ ժողովրդի ինքնապաշտպանության ու ազատամարտի հզորագործն զենքը և հրնարավորությունը ընդհանրապես անցնելու իր պատմական ուղին և անաղարտ պահելու իր ազգային կերպարը:

Հայ գիրը օտար հորիզոնների տակ ապաստանած հայ բեկորներին սատարեց կապվելու հայրենի օջախի հետ, պահպանելու իրենց լեզուն, միտքը, հայրենի սովորությունները, ստեղծելու մայրենի լեզվով գրականություն և մամուլ:

Փառք՝ հայ ժողովրդի արժանավոր գավակ՝ Սուրբ Մեսրոպ Մաշտոցին և նրա անմահ գործին:

